

Anuncio de delegación Xunta de Goberno Local

ANUNCIO

De acordo co disposto no artigo 44 do Real Decreto 2568/1986, de 28 de novembro, polo que aproba o Regulamento de organización, funcionamento e réxime xurídico das Entidades Locais (ROF), e demais normativa aplicable, publícase a Resolución da Alcaldía, de 3 de xullo de 2020, relativa á delegación de atribucións na Xunta de Goberno Local.

Teo, 6 de xullo de 2020.

O alcalde,

Rafael C. Sisto Edreira.

“RESOLUCIÓN DA ALCALDÍA

ASUNTO: DELEGACION COMPETENCIAS XGL

EXPEDIENTE: 2020/G003/000636

Considerando que, ante a situación de crise sanitaria motivada polo COVID-19 e a declaración do estado de alarma polo Real Decreto 463/2020, do 14 de marzo, mediante Decreto da Alcaldía do 16 de marzo de 2020 (nº 265/2020), resolveuse suspender a convocatoria e sesións de todos os órganos colexiados do Concello de Teo, entre eles a Xunta de Goberno Local.

Considerando que, co fin de non provocar a paralización da actividade administrativa que, de acordo coa disposición adicional terceira do RD 463/2020, se puidera seguir realizando, mediante Decreto da Alcaldía do 28 de abril de

2020 (res. 370/2020), resolveuse avocar as competencias delegadas na XGL mediante Decreto da Alcaldía de 3 de xullo de 2019 (res. 522/2019), corrixido mediante Decreto da Alcaldía da mesma data (res. 526/19).

Considerando que, nunha situación como a provocada polo COVID-19, co propósito de adoptar as medidas que garantiran a eficacia e eficiencia na realización de actuacións administrativas no departamento de urbanismo, mediante Decreto da Alcaldía de 4 de maio de 2020 (res. 377/2020), resolveuse delegar en D.^a Uxía Lemus de la Iglesia, concelleira de urbanismo, seguridade cidadá, enerxía e sostibilidade, a atribución referida ao outorgamento de lizenzas urbanísticas, incluída a resolución dos recursos de reposición contra os actos ditados no exercicio das atribucións delegadas, durante a vixencia do estado de alarma.

Considerando que o contexto actual e as circunstancias da denominada “nova normalidade” permiten, coa adopción de todas as medidas oportunas, a celebración das sesións dos órganos colexiados, entre eles as Xuntas de Goberno Local.

Considerando que de conformidade co disposto nos artigos 5.3, 6, 7 e 10 do ROM, artigos 21.3 e 23.2.b) da LRBRL, artigos 43 e 44 do R.D 2568/1986, de 28 de novembro, polo que se aproba o Regulamento de organización, funcionamento e Réxime Xurídico das Entidades Locais, en concordancia coas previsións da lexislación autonómica de réxime local contidas na Lei 5/97, de 22 de xullo, de Administración Local de Galicia, o alcalde pode delegar o exercicio das súas atribucións coas limitacións establecidas nos artigos citados.

En virtude do exposto e no uso das facultades que me confire a normativa citada,

RESOLVO:

Primeiro.- Delegar na Xunta de Goberno local as mesmas atribucións que foran obxecto de delegación mediante Decreto da alcaldía de 3 de xullo de 2019 (res. 522/2019), que se detallan a continuación:

1.- Os contratos de obras, de subministro, de servizos, os contratos de concesión de obras, os contratos de concesión de servizos e os contratos administrativos especiais cando o seu valor estimado non supere o 10 por cen dos recursos ordinarios do orzamento nin, en calquera caso, a contía de seis millóns de euros, incluídos os de carácter plurianual cando a súa duración non sexa superior a catro anos, eventuais prórrogas incluídas, sempre que o importe acumulado de todas as súas anualidades non supere nin a porcentaxe indicada, referida aos recursos ordinarios do orzamento do primeiro exercicio, nin a contía sinalada, reservándose o alcalde a facultade de contratar cando nas mesmas condicións o valor estimado non supere os 200.000 euros.

2.- Os contratos privados e a adxudicación de concesións sobre os bens da Entidade local cando o orzamento base de licitación non supere o 10 por cen dos recursos ordinarios do orzamento nin o importe de tres millóns de euros, reservándose o alcalde a facultade para adxudicar cando nas mesmas condicións o citado orzamento non supere os 200.000 euros.

3.- A aprobación dos proxectos de obras e servizos cando sexa competente para a súa contratación e estean previstos nos orzamentos.

4.- A concesión de licenzas, salvo que as leis sectoriais llas atribúan expresamente ao Pleno, reservándose o alcalde a competencia para o outorgamento das licenzas de utilización das vías públicas mediante a entrada de vehículos a través de beirarrúas e por reserva da vía pública para aparcadoiro exclusivo, carga e descarga de mercadorías de calquera clase.

5.- A concesión de subvencións en réxime de concorrència competitiva e distribución de cantidades con cargo ás partidas que figuren no orzamento.

Segundo.- A alcaldía, en calquera momento, poderá asumir as atribucións delegadas na presente Resolución sen prexuízo da súa avocación conforme á lexislación de procedemento administrativo común.

Terceiro.- Notificar persoalmente aos membros da Xunta de Goberno Local, aos efectos do artigo 114 do ROF que esixe, para á eficacia da delegación, a súa aceptación por parte da delegada, entendéndose tácitamente aceptada se no

termo de tres días hábiles non fai manifestación expresa ante o órgano delegante de que non acepta a delegación.

Cuarto.- Dar traslado do presente aos departamentos municipais, para o seu coñecemento e efectos oportunos, e procédase á súa publicación no Boletín Oficial da Provincia, na web municipal, na sede electrónica, no portal de transparencia e no taboleiro de edictos do concello, sen prexuízo de que surta efectos dende o día da súa data.

Quinto.- Dar conta ao Pleno na vindeira sesión ordinaria que se celebre.

Teo, asinado, polas persoas que se detallan a continuación, na data da sinatura dixital que figura na marxe.

O alcalde,

Rafael C. Sisto Edreira

A secretaria xeral, que dou fe

Virginia Fraga Díaz “